

MIM 92

Fashion

pa: Magali Maduro

MODA Y CARNAVAL '92

Tirando un bista ariba moda, den su totalidad den e temporada di carnaval cu a caba di pasa, mi tin di menciona cu hopi orguyo cu e aña aki si, tur e trabaonan di diseño cu mi a realiza a cay den premiacionnan.

Teniendo na cuenta tur e esfuerzo di mi estudio realisa na Hulanda poco poco ta worde compensa! Y no tabata envano!

Mi por menciona cu mi capacidadnan y creatividad a dunami multiples satisfacion. Y ademá di por a sinti cu poco poco mi trabaonan ta worde valora, ya cu aki na Aruba tin e mentalidad di duna elogio na tur locual no ta di tera cu ta extranhero y carganan prome, lubidando nan mes un hendenan!!!

Pero danki Dios, cu e ta dunami e forza y energia di sigui adelante cu e lucha di por convence poco poco mi mes un hendenan di mi talento y capacidatnan.

Y si esaki no pasa mes, lo no importami, pasobra mi ta contento cu mi mes. Y mi sa cu locual mi ta haci bal. Y mi ta challenge ta cu mi mes y no cu ningun hende pa sa te na unda mi por yega!

Mi tin di menciona cu e aña aki Dios a premiámi, no solo premia tur mi trabaonan cu mi a realiza, tanto na Aruba como den exterior. Y cu exterior entre esakinan ta cay e isla di Curacao cu ya pa tres aña consecutivo caba mi ta realizando trabaonan di diseño pa un grupo di carnaval. Y e aña aki mi a

completa e trabao di diseño haciendo tambe trabao di decoracion. Cu hopi orgullo mi por bisa cu Curacao a conoce e aña aki un totalidad di 59 grupo y asina mes enmedio di tur competencia, akinan mi trabao a resalta y a worde premia tambe!

Un pabien ta bay na e grupo aki, cu a hacimi sinti asina contento y sa valor di mi trabao!

Ya cu tin e dicho ta bisa; "Bo no ta rey na bo mes un pais"!

REINA INFANTIL DI SAVANETA Y CUARTA FINALISTA DI CERTAMEN INFANTIL DI CARNAVAL



Mi ta cuminza na felicita e reina infantil di Savaneta Srta. Chanell Marie de Palm cu a sa di califica su mes como cuarta finalista den e certamen di reina infantil di Aruba. E diseño di su bisti no tabata realmente un idea dimi, sino di

su familiarnan, pero a tocami e honor di por a yuda encuancto ideanan pa cu e bistir aki, sobretodo dunando idea encuancto color y decoracion. Incluso e trabao di decoracion ami mes a ejerce.

Un pabien grandi ta bay na e costurera of Cauturie manera ta worde yama na "Frances" señora Carmita Quandt, cu a intepreta e idea manera e mester tabata, ya cu den mi opinion dos cos mester semper cuadra cu otro, un bon idea, e diseño y sigure persona cu a realiza e trabao di costura.

Mi a keda hopi contento y satisfecho cu e trabao realisa aki y cu tabata e persona aki a realiza e trabao ya cu tur hende sa cu e ta un experto den su trabao y ta un di Aruba su couturieran "well known" encuancto costura.

Y pabien tambe na tur e personanan cu a forma uno pa a haci e exito posible! Paso ami no ta kereden un exito ta debi na un solo persona, por ejempl un peluquera of bisti en, pero esaki ta debi na e mes un persona y hunto cunele tur e otro cosnan y hendenan cu ta yuda haci esakinan posible. "By the way, hopi danki pa bo regalo, e ta un detaye cu bal hôpi pa mi".

TELEFONAN DI DIARIO

**22207 - 26747
35023 - 35026**

REINA HUBENIL DI SAVANETA SRTA. MIGNON CHRISTIAANS

Primera finalista di Aruba su certemen hubenil di Carnaval '92



Mignon Christiaans un pabien grandi ta bay pabo di a haci locual bo curazon a desea, di a bisti un bistir cu un model moderno muy en "La bella epoca" cu nos ta biba aden!

Ya cu abo si no ta cana manera un cangreu atraza! Y bo a cumpli cu bo deseo apesar di e consejonan di anticipacion cu mi a dunabo encuancto e mentalidad cu ta reina encuancto certamen "Reina Juvenil di Aruba"!

E idea cu bo a bin cunele a trece comentario manera mi a pensa, y mi a avisabo di un principio. Pero apesar di tur locual hendenan a bisa, bo a opta asina mes e titulo di primera finalista den e certamen aki. Y si ta asina cu bo tabata descualifica mes,

lo bo no a yega mi na primera finalista!

Y mi ta contento di mi curazon cu bo a trece e realidad di siglo 21 den mente di hendenan.

Un pabien grandi ta bay na bo cu a habri porta pa un era nobo! Y pa haci hendenan biba den e realidad di siglo 21. Ya cu e muchanan chikito di 3 aña mes kier bisti na moda y y gusta leggin, stretch, top, barica afor y pegaditos y mucho mas.

Tira un bista di locual ta pasa rond entre muchanan di entre e edad di 12 pa 15 aña! Sorprendente y desagradable, pero esaki ta e hubentud di e siglo aki. Y e realidad di e hubentud di era nobo!

E bistimento realmente ta solamente e cuestion di